

Baez Diuqcag Bijsai Nanzlumz Ndeu

一次难忘的跳绳比赛

贵港市覃塘区蒙公乡高占小学 二(1)班 韦飞扬

Ngoenzneix gyanghaet, daeng-ngoenz daxgoeng loh ok fajnaj riunyumj haujlai nanz mbouj raen haenx lo. Dadui fujdaujyenz gangj: Ngoenzneix banringz gawjhengz daengx hagdangz diuqcag bijsai. Gou dingqnyi le, gig gikdoengh, aenvih gou gaenq lienh haemz lienh hoj haujlai nanz lo, ngoenzneix dauqdaej ndaej loh dinfwngz lo.

Banringz ciet goq daihseiq, bijsai yaek hainduj lo, gyoengq doengzhag cungj youq cauhcangz lienh diuq. Lauxsae anbaiz ndei ciengzdeih le, bijsai caencingq hainduj lo. Lauxsae diemj daengz mingz gou, gou gaem ndei diuzcag sikhaek daengz dieg ndwn ndei. Gou ndaw sim gig gaenjieng, angjfwngz cungj ok hanh lo. Seizneix, Cinz lauxsae byaij gvaqdaej doiq gou naeuz: “Gaej



gaenjieng, cuengqsoeng bae diuq, mwngz itdingh ndaej!” “Be” sing lwggae baez yiengj, gou couh vaiqvet diuq hwnjdaej, daihgaiq gvaqbae buenq faen cung le, ga gou couh nanq lo, gou hainduj diuq menh roengzdaej lo. Cingq youq seizneix, gyoengq doengzhag caeuq lauxsae singhung hemq: “Veiz Feihyangz—gyayouz! Veiz

Feihyangz—gyayouz!” Dingqnyi gyoengqde haenqrengz vih gou gyayouz, gou youh miz rengz lo, sim siengj, mbouj ndaej hawj daihgaya saetmuengh. Gou ndaw sim hix vih swheij gyayouz. Gou maenj bak haeb heuj, bi diuzcag gig vaiq……

“Be” sing lwggae yiengj lo, seizgan daengz lo. Gou diuq ndaej 137 baez, baizmingz daih’ it. Gou sim’ angq raixcaix! Cinz lauxsae gikdoengh dwk umj gou hwnjdaej, gyoengq doengzhag hix humx gvaqdaej cukhoh gou. Gwnz cauhcangz sikhaek bienqbaenz haijyangz angqvau lo.

Gou maqmuengh swheij youq gwnz yozsiz hix ndaej daih’ it, engq maqmuengh swheij baezlaeng mboujguenj bungz daengz gijmaz gunnanz, cungj naengz bongh baenaj. (指导老师: 韦珍兰)

Doeg《Dahsau Iq Gai Hab-feiz》Le Miz Gamjsiengi

《卖火柴的小女孩》读后感

上林县大丰镇皇周小学三年级二班 蓝卫容

Haemhndaep yaek daengz lo, dauqcawj cungj cuengq bauq, hoeng ndaw sim gou fubfeb hwnjlangh, sim gou daej dwk, aenvih aen goj《Dahsau Iq Gai Habfeiz》hawj gou lij dauqngex.

Gou lumj yawjraen aen ndang unqnyieg dahsau iq gai habfeiz suk youq gungx ciengz, muengh gij vabauq gizgyae; gou youh lumj yawjraen aen bak dekgau de loq doengh, ci! Habfeiz rongh lo, bienqbaenz aen lozfeiz, de siengj raeujrub aen ndang, mbawfeiz dauq ndaep lo, de cat moix diuz habfeiz rongh bae le cungj bienqbaenz doxgaiq gyaunde, yaepyet youh dauq ndaep bae lo. De siengj gai hab habfeiz ndeu, doiq raeuz daej gangj dwg aen yauhgiuz iq ndeu, doiq de daej gangj dwg aen maqmuengh gyaunde ndeu, nanzdauh aen yauhgiuz iq neix raeuz cungj muenxcuk mbouj ndaej ha?

Doeklaeng, de bae lo, youq haemh haemhndaep, youq aen saedceij gyaunde haenx bae lo. De riengz daxbuz de mbin bae daengz gizdieg mboujmiz dungxiek, mboujmiz nitgyaengj haenx bae lo. Gou haemz, gou haemz swbwnjcujiy guekgya! Haemz swbwnjcujiy guekgya apbik! Haemz swbwnjcujiy guekgya doegsied! Doeg daengz doegsied seiz, gou nyaenx mbouj ndaej nyaenj gaemx-gienz hwnjdaej.

Gou caen maqmuengh giz dieg mboujmiz nitgyaengj, mboujmiz dungxiek haenx dwg gizdieg raeuz ha! Hix geijlai maqmuengh raeuz ndaej ciepe de daej giz raeuz, hoeng gij siengjap gou mbouj ndaej saedyienh lo.

Gou raemxda doekbyoegbyoeg, ngiengx gyaiej hwnjdaej, siengj sup raemxda hwnjdaej. Sawqmwh gou yawjraen faj fwj ndeu, dahsau gai habfeiz caeuq daxbuz ndeu vuenyungz dwk riu, vadfwngz coh gou……

(指导老师: 蓝卫松)

Lauxsae, Docih Mwngz

谢谢您, 老师

德保县隆桑中心校五年级 王玉霜

Ndang sang, byoem raez, da hung, lij daiq fouq nganxciuj ndeu, daengx ngoenz cungj riunyumnyum, de couh dwg lauxsae gou——Vangz lauxsae.

Miz ngoenz ndeu, cuengqhag ngaiz lo, gou caeuq geij boux doengzdaih youq gwnzroen guhcaemz, dauqma ranz ceiz lo. Daxmeh gig ndatheiq, couh moeb gou, ndaq gou, lij fad gou mbouj hawj gou gwn haeuxngaiz. Banringz hwnjdangz seiz, gou dungxiek lo, mboujmiz banhfap dingq lauxsae gangigoq. Gou mboujmiz saekdi cingsaenz boemz youq gwnz daiz. Vangz lauxsae itmienh gangigoq, itmienh byaij daengz baihnaj gou, gou gig lau, ndawsim gou diuqbaegbaeg, lau lauxsae ndaq gou. Byawz rox, lauxsae mboujdanh mbouj ndaq gou, lij aeu fwngz de lumhlumh gyaiej gou, cam gou baenzlawz ha? Dwg mdouj dwg baenzbingh? Gou dawz saehcingz daj goek daengz rieng lwnh hawj de, roengzdangz lo, Vangz lauxsae heuh gou bae daengz bangunhsiz de, yienzhaeuh de buet daengz siujmaibu cawx menbauh hawj gou gwn, lij ndingq raemxcas hawj gou. Yawjraen Vangz lauxsae yienhneix gvnsim gou, raemxda gou doek roengzdauj lo. Doeklaeng, Vangz lauxsae lij daegdaengq ra gou, gangj liux haujlai dauhleix hawj gou. Gou roxyinh daengz gienh saeh neix dwg gou loek lo. Dauqma ranz, gou yiengq daxmeh nyinhloek, daxmeh riu lo, lij haenh gou dwg boux lwnyeiz ndei rox loek couh gai.

Seizneix, gou ciemhciemh majhung lo, dwg boux lwnyeiz vunz raen vunz gyaiez. Neix caeuq Vangz lauxsae doiq gou gyauiyuz faen mbouj hai, sojiy gou aeu naeuz: Vangz lauxsae, docih mwngz! (指导老师: 李金帅)



Gou Bang Dax-buz Dubhwet

我帮奶奶捶背

武鸣县仙湖镇中桥小学四(1)班 潘俊霖

Bohmeh baenzbi cungj youq baihrog dajgoeng, gou caeuq daxbuz itheij swngghoz.

Haemhneix, gou guh cozyez sat le, cingq siengj bae yawj densi, sawqmwh yawjraen daxbuz daj baihrog byaij haeujma, diuz hwet ndwn mbouj ndaej soh. Daxbuz bingzseiz guhhong gig dwgrengz, moix ngoenz cungj nyaengq dangq-maz, caiqgya de nienzgeij laux lo, aiq dwg hwet de youh in lo. Gou wnggai bang daxbuz guh gijmaz ne? Deng lo, gou couh bang daxbuz dubhwet ba.

Gou doiq daxbuz naeuz: “Daxbuz, naengh roengzdaej, gou bang mwngz dubhwet.” Daxbuz naengh roengzdaej, riunyumnyum dwk naeuz: “Ndei, ndei, daeglan gou caen roxsoq.” Gou yaengx hwnj gaemxgieng, miz cezcoz dwk bang daxbuz dubhwet. Gou nyinhcaen dub dwk, sim siengj: Gou gawq mbouj ndaej daiq yungh rengz, youh mbouj ndaej daiq mbaeu, wnggai mbouj mbaeu mbouj naek, cij miz yaujoj. Gvaq yaephe, gou cam daxbuz: “Daxbuz, yienhneix dub baenz lwi?” “Mbouj loek, mbouj loek, cwxcaih raixcaix.” Daxbuz habhoz dwk naeuz. Dingq gij vah haenh daxbuz, gou dub ndaej engq miz rengz lo. Menhmenh dwk, song fwngz gou naet raixcaix, suzdu cugciemh menh roengzdaej lo. Daxbuz gvnsim dwk cam: “Mwngz naet loba? Daxbuz cwxcaih lo, mwngz yietnaiq yaephe.” Gou daj hwnj cingsaenz naeuz: “Mbouj naet, mbouj naet.” Itmienh gangj itmienh roengzrengz dub. Gij nyaieuq gwnz naj daxbuz mbehai lo, yawj hwnjdaej bienq oi q lo.

Gvaq le yaephe, daxbuz mbouj hawj gou dub lo, de sim’ in dwk naeuz: “Naet loba, daxbuz rox mwngz fwngz naet lo, daej, ing daxbuz yietnaiq yaephe.”

Gou ing youq ndaw rungj daxbuz, couhcinj fwngz miz di naet, hoeng gamjdaengz angqyangz fouz-beij.

Baezlaeng, gou ngoenzngoenz bang daxbuz dubhwet.

(指导老师: 潘文清)